

Aalisarneq pillugu Inatsisartut inatsisaanni nr. 18, 31. oktober 1996-imeersumi § 32, imm. 2 naapertorlugu Aalisarneq pillugu Siunnersuisartoqatigiinnut suleriaaseq

§ 1. Siunertaq il.il.

Imm. 1. Aalisarneq pillugu Siunnersuisoqatigiit (matuma kingorna ”Siunnersuisoqatigiit”) siunertaraat § 3 naapertorlugu aalisarnikkut naalakkersuinermi pissutsit pillugit Naalakkersuisunut siunnersuisarnissaq.

§ 2. Ilaasortat, sinniisut, ataatsimeeqataasartut il. il.

Imm. 1. Siunnersuisoqatigiit aalisarnermi kattuffinnik soqutigisaqatigiinnit ilaasortaapput; Kalaallit Nunaanni Sulisitsisut (GE) Kalaallit Nunaanni Aalisartut Piniartullu Kattuffiat KNAPK aamma Qalerualinniat Aalisagarniallu Kattuffiat (QAK).

Imm. 2. GEA, KNAPK aamma QAK aallartitassaminnik (3) aqqisigut taasanik tamarmik toqqaassapput. Aamma sinniisussat aqqisigut taasat toqarneqassapput ilaasortap aallartitap ataatsip ataatsimeeqataasinnaanginnerani ataatsimeeqataasartussatut.

Imm. 3. Taaseqataasinnaanatik ilaasortat, kattuffiit imaluunniit suliffeqarfiit takuneqarsinnaapput ilanngissaq 1-mi.

Imm. 4. Aalisarnermik susassaqtut nunami suliffissuaqarfiit, kattuffiit imall. suliffeqarfiit qinnuteqarneq naapertorlugu aalajangersimasumik ataatsimeeqataasartuutinneqarsinnaapput.

Imm.54. Siunnersuisoqatigiit siulittaasuata Naalakkersuisulluunniit, inuit, kattuffiit imaluunniit suliffeqarfiit oqaluuserisassanut suliarineqartussanut tunngasunik immikkut ilisimasalinnik ataatsimeeqataasussanngortitsisinnaapput, tamanna pisariaqartinneqartutut nalilerpasuk.

Imm.6. Siunnersuisoqatigiinni ilaasortat, pineqartumi immikkut piginnaasaqarnertik tunngavigalugu toqarneqartut, siunnersuisarnermik ingerlatsinernik arlaannaannulluunniit attuumassuteqanngitsunik immikkullu soqutigisat eqqarsaatiginagit isumaginnittassapput.

Imm.7. Naalakkersuisut Siunnersuisoqatigiinni ilaasortanik amerlanerusunik ivertitsisinnaapput. Siunnersuisoqatigiinnit Naalakkersuisunut Siunnersuisoqatigiit nutaanik ilaasortaqalerinnsaat inassutigisinnaavaat.

§ 3. Siunnersuisoqatigiit suliassaat

Imm. 1. Aalisarneq pillugu Inatsisartut Inatsisaanni nr. 18-imi, 31. oktober 1996-imeersumi kingusinnerusukkut allanngortinneqartumi §-inut 5, 7, 9, 10, 11, 13, 18, 20, 22 aamma 23-imut tunngatillugu suliassani tunngaviusumik pingaarutilinni tamanut tunngassuteqartuni Naalakkersuisut Siunnersuisoqatigiit tusarniartassavaat. Apeqqutit kinguartinneqarsinnaanngitsut oqaaseqatigiinni siullermi pineqartut pillugit Naalakkersuisut Siunnersuisoqatigiinni ilaasortat tamaasa allakkatigut tusarniaavigisarsinnaavaat. Siunnersuisoqatigiit ataatsimoortumik isummersimasinnaatinnagit allakkatigut tusarniaaviginnittarneq atorneqartassaaq.

Imm. 2. Siunnersuisoqatigiit Naalakkersuisunit kaammattorneqarlutik namminneerlutilluunniit suliniuteqarnermikkut, imm. 1-mi pissutsit pineqartut pillugit aamma Kalaallit Nunaanni aalisarnikkut aqutsinermi suliniutit nutaat tamaasa pillugit Naalakkersuisunut oqaaseqaateqartassapput.

Imm. 3. Siunnersuisoqatigiit namminneerlutik Naalakkersuisut nutaanik suliniuteqalernissaat imaluunniit inatsisinik atuuttunik allangortitsinissaat kaammattuutigisinnaavaat.

Imm. 4. Aammattaaq apeqqutit aalisarnermut tunngassuteqartut Naalakkersuisunit suliareqqinneqartariaqanngitsut Siunnersuisoqatigiinni suliarineqartarsinnaapput.

Imm. 5. Siunnersuisoqatigiit sinnerlugit siulittaasoq apeqqutit aalisarnerup ingerlanneqarneranut tunngasut pillugit tamanut oqaaseqaateqartarsinnaavoq.

Imm. 6. Siulittaasoq Siunnersuisoqatigiit Naalakkersuisunut oqaaseqaataanni pisumit pisumut ataatsimeeqataatinneqarallartussat pillugit tunngavilersukkamik allakkiusaaq. (Takuuk § 2, imm.4)

Imm. 7. Siunnersuisoqatigiinni ilaasortat akornanni saqitsaannernik apeqqutit suliarineqartanngillat. Ilanngullugu Siunnersuisoqatigiinnit suliat aalajangersimasut ataasiakkaat suliarineqartanngillat, maannakkorpiaq suliarineqartut imaluunniit Aalisarnermut Piniarnermullu Naalakkersuisoqarfimmi suliarineqarsimasut, aatsaalli suliassaq aalisarnermut tunngaviusumik pingaaruteqarpat. Siulittaasup Siunnersuisoqatigiinni ilaasortat ataatsimeeqataasartullu isumasioreerlugit aalajangertarpaa suliassaq aalisarnermut tunngaviusumik pingaaruteqartuunersoq.

§ 4 Aalajangiisinnaassuseqarnek, il. il.

Imm. 1. Siunnersuisoqatigiinni ilaasortaaitaqartut Siunnersuisoqatigiinni sinniisutitamik amerlaqataannik taasisinnaatitaapput.

Imm. 2. Siunnersuisoqatigiinni sinniisut ataatsimiigiarsimasut periarfissaqarput sinniisunit ataatsimiigiarsimanngitsunit sinnerlugit taasisinnaanissamut, tamanna taamaasiornissamut piginnaatitsissuteqarlutik saqqummiussillutik nalunaarutigippassuk.

Imm. 3. Ataatsimeeqataasartut taaseqataasinnaanatik taasisinnaatitaanngillat.

Imm. 4. Suleriaatsimi allamik allassimasoqanngippat nalinginnaasumik amerlanerussuteqarnikkut aalajangiisoqartassaaq.

Imm. 5. Naalakkersuisunut oqaaseqaatini allanneqartassaaq ilaasortat sorliit oqaaseqaatip Siunnersuisoqatigiinni suliarineqarnerani najuussimanersut, aalajangiinerni taamaattuni Siunnersuisoqatigiinnit isumaqatigiissuteqarnissaq anguniarneqartassaaq.

Imm. 6. Suliap suliarinissaa itigartitsissutigineqarsinnaavoq ilaasortat amerlanersaat isumaqarpata taanna Siunnersuisoqatigiit suliassaasa avataanniittoq, takuulli § 3, imm. 7.

Imm. 7. Siunnersuisoqatigiit inassuteqaateqarsinnaanngillat § 2 imm. 6, naapertorlugu, oqaaseqaateqarsinnaanatik § 4 imm. 4 naapertorlugu taasisinnaanatillu § 4 imm. 4, 2. oqaaseqatigiit aappaat naapertorlugu, aatsaalli kattuffiit ilaasortaasut taakku tamarmik

ataatsimiinnermi sinniisuutitaqarpata ikinnerpaamik ataatsimik (1).

Imm. 8. Siunnersuisoqatigiit ilaasortami ataatsimeeqataasartullu akornanni Siunnersuisoqatigiit pisinnaatitsinerat malillugu suleqatigiissititanik suliaassanik aalajangersimasunik suliaqartussanik pilersitsisinnaavoq.

§ 5. Siulittaasumik toqqaaneq il.il.

Imm. 1. Ataatsimiinnermi siullermi siulittaasussamik taassumalu tullissaanik toqqaasoqartassaaq.

Imm. 2. Siulittaasoq qinigaaqqissinnaavoq.

Imm. 3. Siulittaasoq nikittaallugu GE,KNAPK aamma QAK-mit toqqaarneqartassaaq.

Imm. 4. 1. aamma 2. siulittaasup tullianik toqqaasoqartassaaq Siulittaasut paarlakaattarneri malillugit, takuuk, stk. 3.

Imm. 5. Siunnersuisoqatigiiffiup allattoqarfia Aalisarnermut Piniarnermullu Naalackersuisoqarfimmit isumagineqassaaq.

Imm. 6. Siunnersuisoqatigiit ataatsimiittarneri siulittaasumit siulersorneqartassapput.

Imm. 7. Siulittaasumit allattoqarfik suleqatigalugu suleriaatsip eqquutsinneqarnera nakkutigineqassaaq.

Imm. 8. Siulittaasup pisinnaannginnerani taassuma piginnatitaaffii pisussaaffiilu siulittaasup tullianit isumagineqartassapput.

§ 6. Ataatsimiigiaqqusisarnerit

Imm. 1. Tamatumunnga pisariaqartitsisoqarsorinnittoqarpat siulittaasoq Naalackersuisulluunniit ataatsimiigiaqqusisassapput. Ullormut oqaluuserisassat minnerpaamik makkuninnga imaqqassapput:

- 1) Oqaluuserisassat akuersissutigineqarnerat
- 2) Siunnersuisoqatigiit kingullermik ataatsimiinnerannit imaqarniliap akuersissutigineqarnera.
- 3) Sulianut isummerfiginnittarneq
- 4) Siunnersuisoqatigiit Naalackersuisunut saaffiginnissutigisinnaasaasa killiffiat
- 5) Naalackersuisunut oqaaseqaatit
- 6) Tamanut oqaaseqaatit
- 7) Siunnersuisoqatigiit tullianik ataatsimiinnissaat
- 8) § 6 imm. 4 naapertorlugu siunnersuutit
- 9) Tamalaat.

Imm. 2. Ilaasortap ataatsip ataatsimeeqataasartulluunniit tamanna pisariaqartippagu siulittaasup isummerfigisavaa ataatsimiigiaqqusisoqassanersoq.

Imm. 3. Siunnersuisoqatigiit ataatsimiigiaqquneqartarneri sapinngisamik sivikinnerpaamik sapaatip akunneranik ataatsimik siumoortumik kalerriinikkut ingerlanneqartassapput. Ataatsimiigiaqqusissummut § 6 imm. 1 naapertorlugu ullormut oqaluuserisassat aamma § 6

imm. 4 naapertorlugu allakkatigut atortussat nassiunneqartassapput.

Imm. 4. Ullormut oqaluuserisassanut siunnersuutit Naalakkersuisunit, ataatsimeeqataasartunit ilaasortanillu tunniunneqarsinnaapput. Siunnersuutit kingusinnerpaamik ataatsimiinnissaq ullunik arfineq-pingasunik sioqqullugu allattoqarfimmi tiguneqareersimassapput. Siunnersuut tunngavilersorluakkamik siunnersuutaasumut ilanngunneqarsinnaasumik nassuiaatitaqarsinnaavoq. Uppernarsaatit pilersaarummut nassuiaataasinnaapput, kingunerisinnaasanut naliliinerusinnaallutik, aningaasatigut naliliinerusinnaallutik taamaaqataannulluunniit uppersaanerusinnaallutik.

Imm. 5. Siunnersuisoqatigiit ataatsimiittarnerini allaganngorlugit atortussat kalaallisut danskisullu allassimassapput.

Imm. 6. Siunnersuisoqatigiit ataatsimiinneri kalallisut ingerlanneqartarput oqalutseqartussaallutillu, imaluunniit ataatsimiinnissaq sioqqulluarlugu oqalutseqartariaqannginneq nalunaarutigineqassaaq.

Imm. 7. Aalajangiisimanernut imaqarniliaq ataatsimiittoqareernerani kingusinnerpaamik ullut 14-it qaangiunnerini nassiunneqassaaq. Imaqarniliaq ikkunneqassaaq siunnersuisoqatigiit quppersagaani Naalakkersuisut.gl

§ 7. Aningaasalersorneqarnera

Imm. 1. Siunnersuisoqatigiinni ilaasortat sulinerannut atatillugu Siunnersuisoqatigiit aningaasartuutigisai kattuffinnit ilaasortap sinniisuuffigisaanit matussuserneqartassapput. Siunnersuisoqatigiit Naalakkersuisuniit immikkut suliakkerneqarpata § 3 naapertorlugu Siunnersuisoqatigiit suliarineq ajugaannik aningaasartuutit matussuserneqarnissaat siumut isumaqatigiissutigineqaaqassapput.

Imm. 2. Aalisarnermut Piniarnermullu Naalakkersuisoqarfik akeqanngitsumik allattoqartitsissaaq.

§ 8. Akuersissutiginninneq atortuulersitsinerlu

Imm. 1. Aalisarneq pillugu Inatsisartut inatsisaanni nr. 18, 31. oktober 1996-imeersumi § 32, imm. 2 naapertorlugu Naalakkersuisunit suleriaaseq aalajangiunneqassaaq. Siunnersuisoqatigiinnit suleriaatsip allanngortinneqarnissaanut siunnersuusiortoqarsinnaavoq, ilaasortatut kattuffiit tamarmiusut tamanna pillugu isumaqatigiippata. Naalakkersuisunit suleriaaseq nutaaq suleriaatsimilu atuuttumi allannguutit taakku atortuulersinneqannginnerini akuersissutigineqartassapput. Takussutissiaq ilanngussaq tassaavoq taaseqataasinnaanatik ilaasortat nalimmassarneqarsinnaasoq Siunnersuisoqatigiinniit imall. Naalakkersuisuniit.

Imm. 2. Suleriaaseq una Naalakkersuisunit periutsimi § 4, imm. 8. ulloq 04. januar 2024-imeersoq naapertorlugu akuersissutigineqarsimavoq.

Imm. 3. Suleriaaseq una atuutissaaq periutsimi § 8, imm. 1 naapertorlugu suleriaasissap nutaap akuersissutigineqarnissaata tungaanut.

Imm. 4. Suleriaatsimit matuminnga siusinnerusukkut suleriaasiusimasut kingusinnerpaamillu suleriaaseq 17. marts 2011-imeersoq taarserneqarput.

Ilanngussaq 1– Siunnersuisoqatigiinni taaseqataasinnaanatik ilaasortat

Faste tilforordnede	Sinniisut amerlassusiat
Aalisarnermut Piniarnermullu Naalakkersuisoqarfik	marluk (2) sinniisut aamma ataaseq (1) allatseq
Kalaallit Nunaanni Aalisarsinnaanermut Akuersissutinik Nakkutilliisoqarfik	ataaseq (1) sinniisq
Pinngortitaleriffik	ataaseq (1) sinniisq
Aningaasaqarnermut Akileraartarnermullu Naalakkersuisoqarfik	ataaseq (1) sinniisq
Nunalerinnermut, Imminut Pilersornermut, Nukissiutitut, Avatangiisinullu Naalakkersuisoqarfik	ataaseq (1) sinniisq
Isumaginninnermut, Ilaqutaariinnut, Suliffeqarnermut Nunamullu Namminermt Naalakkersuisoqarfik	ataaseq (1) sinniisq
Inuussutissarsiornermut Niuernermt, Aatsitassanut, Inatsisit Atuutsinneqarnerannut Naligiisitaanermullu Naalakkersuisoqarfik	ataaseq (1) sinniisq
Sustainable Fisheries Greenland	ataaseq (1) sinniisq
SIK	ataaseq (1) sinniisq
NUSUKA	ataaseq (1) sinniisq
Arctic Prime Fisheries ApS	ataaseq (1) sinniisq
Royal Greenland A/S	ataaseq (1) sinniisq
Ocean North Kalaallit Nunaat	ataaseq (1) sinniisq
Kommuunit	ataaseq (1) sinniisq ¹
SQAPK	ataaseq (1) sinniisq

¹ Ukiut marlukkaarlugit kommuune ataaseq taaseqataasinnaanani ataatsimeeqataasarpoq, kommuunit allattoqarfik ilisimatissavaat paarlaannialeraangamik